

आकाशवाणी

- उच्चतम अदालत नै नीट यू.जी 2024 इम्तेहान रद्द करने ते परतियै इम्तेहान लैते जाने आलियं याचिकाएं गी नां करी ओड़ी ऐ। पूरे देसै दे निजी ते सरकारी मेडिकल कालजें च दाखले लेई काउंसलिंग प्रक्रिया तौलें गै शुरू कीती जाग।
- राष्ट्रीय जल जीवन मिशन नै मुख्य भरै दे 15 करोड़ ग्रामीण कुम्बें गी नलके आला पानी हासल करोआइयै इक ऐतिहासिक मील दा पत्थर तय कीता ऐ।
- मौसम विभाग आस्सेआ औंदे द'ऊं दिनें च गुजरात, कोंकण ते गोवा च बड़ी भारी बरखा दी पेशगोई कीती गई ऐ। दिल्ली-एनसीआर च जबरदस्त बरखा पेई।
- बरतानवी विदेश सचिव ऍवि लैमी अपने समकक्ष एस. जयशंकर हुंदे नै नमीं दिल्ली च मलाटी करडन।
- अमरीकी खुफिया सेवा विभाग दे निदेशक Kimberly Cheatle होरें ट्रम्प हमले दी कोशश च होई दी सुरक्षा चूक पर होई दी जांच मगरा इस्तीफा देई दिता ऐ।
- महिला एशिया कप क्रिकेट च नेपाल गी 82 रन्जें कन्नै हराइयै भारत नै सेमीफाइनल च थाहर बनाई लैती ऐ।

<><><><><><>

SC-NEET

सुप्रीम कोर्ट नै नीट-यूजी इम्तेहान 2024 गी रद्द करने ते परतिए इम्तेहान कराने दे आदेश देने थवां इंकार करी दिता ऐ। एहदे कन्नै गै मुख्य भरै च सरकारी ते निजी मेडिकल कालजें च प्रवेश आस्तै अज्जै थवां कांसलिंग दी प्रक्रिया शुरू करने लेई बत पदरी होई गई ऐ।

भारत दे प्रधान न्यायाधीश पी.वाई चंद्रचूड़ हुंदी अध्यक्षता आली 3 जजें दी पीठ नै आखेआ जे उपलब्ध सबूत कोशन पेपर दे तरीकेबद्द ढंगै सिर लीक होने दी सारत नेई दिंदे न ते 5 मई गी आयोजित परीक्षा दी वैद्यता पर कोई माझा असर नेई पौंदा। पीठ नै आखेआ ऐ जे स्हाड़ा एह मनना ऐ जे उपलब्ध सबूतें दे आधार पर नीट यू.जी 2024 परीक्षा गी रद्द करना बे-न्याई होग। पीठ नै आखेआ जे मौजूदा बरे आस्तै परीक्षा रद्द करने कन्नै 20 लक्ख थ्वां मते विद्यार्थिं आस्तै मुश्कल होग ते अगड़े प्रवेश सरबंधी कार्यक्रम च रूकावट औग।

<><><><><><>

Minister NEET

शिक्षा मंत्री धर्मेन्द्र प्रधान होरें नीट इम्तेहान बारै उच्चतम अदालतै आस्सेआ दिते गेदे फैसले दा सोआगत कीता ते आखेआ जे आखर सच्चाई ते सामने आई गेई ऐ। उच्चतम अदालत दे फैसले मगरा मीपिया आलें गी संबोधित करदे होई श्री प्रधान होरें आखेआ जे प्रधानमंत्री नरेंद्र मोदी हुंदी सरकार इक पारदर्शी, बिजन कुसै छेड़छाड़ आले ते बिजन कुसै गलती आले इम्तेहान सरिस्ते लेई बचने बज्झी दी ऐ। उनें आखेआ जे सकार नीट घोटाले च शामिल लोकें गी बक्शग नेई।

<><><><><><>

Jal Jeevan Mission

राष्ट्रीय जल जीवन मिशन नै मुख्य भरै च 15 करोड़ ग्रामीण परौआरें गी नल से जल कनेक्शन प्रदान करिए ऐतिहासिक उपलब्धि हासिल कीती ऐ। मिशन दे तैहत एह कम्म तेजी कन्नै कीता गेआ ते 2019 कोला लेइयै 5 बरें दी लौहकी अवधि च 3 करोड़ कोला बदाइयै 15 करोड़ घरें गी नल्के राएं पानी उपलब्ध करोआया गेआ। जल शक्ति मंत्री सी.आर पाटिल होरें इक्क सोशल मीपिया पोस्ट च आखेआ जे इस संगेमील कन्नै मुख्य दे लोकें गी ना छड़ा साफ पानी दा तोहफा थोआ ऐ सगुआं उंदा जीवन दी गुणवत्ता च बी सुधार होआ ऐ।

अज्ज दी तरीक च 8एं राज्यें ते त्रै केंद्र शासित प्रदेशें 100 फीसदी लक्ष्य हासल करी लैता ऐ।
इंदे च गोवा, तेलंगाना, हरियाणा, गुजरात, पंजाब, हिमाचल प्रदेश, दादर ते नगर हवेली ते दमन
ते दीप, अंडमान ते निकोबार शामिल न।

<><><><><><>

IMD

मौसम विभाग नै अगले 2 दिनें दौरान गुजरात, कोंकण ते गोवा ते महाराष्ट्र दी किश
थाहरें पर तेज बरखा पौने दी पेशगोई कीती ऐ। गंगा दे मैदानी हिस्से च बी अगले 2 दिनें
च बरखा होई सकदी ऐ। उत्तर पच्छिम भारत च हिमाचल पदेश, उत्तराखण्ड, राजस्थान,
हरियाणा, चण्डीगढ़ ते दिल्ली, पंजाब ते पच्छिमी उत्तर प्रदेश च अगले 5 दिनें च सामान्य
बरखा होने दी संभावना जताई गई ऐ। मौसम विभाग नै पंजाब ते हरियाणा, चण्डीगढ़-
दिल्ली च अगले 2 दिनें च तापमान सामान्य थां मता रौहने दी शंका जाहिर कीती ऐ।

<><><><><><>

UK-Foreign

बरतानवी विदेश सचिव ढेवि लैमी हुंदा अज्ज नमीं दिल्ली पुज्जने दा प्रोग्राम ऐ। ओह
मता करिये व्यापक सामरिक भ्याली ते भारत-बरतानिया मुक्त बपार समझौते गी तगड़ा
करने बारै गल्लबात करडन। ब्रिटेन च लेबर पार्टी दी सरकार बनने मगरा एह लंदन थमां
भार औने आला पैहला उच्ची सतह दा ढेलीगेशन ऐ। सचिव लैमी विदेश मंत्री एस.
जयशंकर हुंदे नै अज्ज संझा मलाटी करडन। एहदे मगरा ओह वाणिज्य मंत्री पीयूष गोयल,
राष्ट्रीय रक्षा सलाहकार अजीत ढोभाल ते प्रधानमंत्री नरेंद्र मोदी हुंदे नै बी मलाटी करडन।

<><><><><><>

US Security Services

साबका राष्ट्रपति ढोनाल्ड ट्रम्प हमले पर होई दी जांच मगरा सुरक्षा घरे च होई दी चूक सामने औने पर अमरीकी खुफिया सेवा निदेशक किम्बरलें चीटल होरें इस्तीफा देई दिता ऐ। ढोनाल्ड ट्रम्प हुंदे पर Pennsylvania रैली च हमला कीता गेआ हा।

<><><><><><>

Budget

केंद्री खजना मंत्री निर्मला सीतारमण होरें अज्ज लोकसभा च 2024-25 बरे दा आम बजट पेश कीता जेहड़ा प्रधानमंत्री नरेंद्र मोदी सरकार दे त्रीए कार्यकाल दा पैहला बजट ऐ। बजट च रोजगार, कौशल प्रशिक्षण, एम.एस.एम.ई ते मध्यम वर्ग पर ध्यान केंद्रित कीता गेदा ऐ। वित्त मंत्री होरें रोजगार, हुनर विकास ते दुए मौकें दी सुविधा हासल करोआने आस्तै प्रधानमंत्री हुंदिएं 5एं योजनाएं ते पैहल दे पैकेज दी घोषणा कीती।

<><><><><><>

Budget Khelo India

केंद्री बजट च सरकार दी महत्वै आली खेड्ड पैहलकदमी खेलो इंडिया गी खेड्ड मंत्रालय गी हासल फणें दा बड़ा मता हिस्सा हासिल करोआया गेआ ऐ। 3 जहार 442 करोड़ रुपें दे खेड्ड बजट चां 900 करोड़ रुपें खेलो इंडिया आस्तै बक्ख रक्खे गेन। खेलो इंडिया तैहत जमीनी सतह पर खेड्डें ते खणारिएं दे बाददे विकास गी प्राथमिकता दिती जंदी ऐ।

<><><><><><>

J&K Budget

वित्त मंत्री निर्मला सीतारमण हुंदे आस्सेया पेश कीते गेदे केंद्री बजट च जम्मू-कश्मीर गी 42 जहार 277 करोड़ 74 लक्ख रुपे दी रकम अलाट कीती गई ऐ जेहड़ी जे पिछले बरे दिते गेदे 41 जहार 751 करोड़ 44 लक्ख रुपे दे बजट कोलां शड़ा 1 इशारिया 2 फीसद गै मता ऐ।

सीतारमण हुंदे आस्सेया कल लोकसभा च पेश कीते गेदे इस बजट च 40 जहार 119 करोड़ 30 लख रुपे दी रकम जम्मू-कश्मीर केंद्र शासित प्रदेश च संसाधनें दी कमी दी कसर गी पूरा करने लेई दिती गई ऐ। एहदे अलावा 279 करोड़ रुपे यू.टी.पी.आर.एफ यानि आपदा प्रतिक्रिया कोष दे रूपे च दिती गई ऐ जेहड़ी कुदरती कुरोपिएं दी सूरतें च खर्चे लेई ऐ। बजट नै पन बिजली परियोजनाएं लेई इक्विटी सहायोग दे रूपे च देने लेई बी बक्खरे फं रक्खे न। एहदे अलावा झेलम तवी हाड़ सुधार परियोजना जे.टी.एफ.आर.पी तैहत खर्चे लेई 500 करोड़ रुपे दी रकम बी दिती ऐ। केंद्र शासित प्रदेश दिएं ढांचागत परियोजनाएं लेई संसाधनें दी बित्थ पूर्ति लेई 101 करोड़ 77 लख रुपे दी रकम रक्खी गेदी ऐ। एहदे अलावा जम्मू-कश्मीर पुलस लेई खासतौर पर 9 जहार 789 करोड़ 42 लख रुपे रकम बक्ख रक्खी गई ऐ।

<><><><><><>

Amarnath Yatra

जम्मू दे भगवती नगर आले आधार शिविर थवां 2 जहार 907 श्रद्धालुएं दा इक होर जत्था अज्ज बड़लै श्री अमरनाथ जी दी जातरा लेई रवाना होआ। एह श्रद्धालु 103 गड़पिएं दे काफिले च सौआर होइए घाटी लेई रवाना होए। इस जत्थे च 2 जहार 194 मर्द, 598 महिलां, 11 बच्चे, 11 साधु ते 13 साध्वियां शामिल हियां। कुल 2 जहार 907 श्रद्धालुएं चा 1 जहार 134 श्रद्धालु बालटाल लेई ते 1 जहार 773 श्रद्धालु पहलगाम लेई रवाना होए जित्थुआं ओह अपनी अगगे दी जातरा शुरू करडन।

<><><><><><>

Cricket

महिला एशिया कप क्रिकेट च भारत नै सेमीफाइनल च अपनी थाहर पक्की करी लेती। भारत नै श्रीलंका दे दम्बुला च खेड़टे गेदे मैच च नेपाल गी 82 रन्जें कन्नै हराया। 179 रन दे लक्ष्य दा पिच्छा करदे होई नेपाल दी टीम 20 ओवरें च 96 रन्ज बनाई सकी।

भारत लेई दीप्ती शर्मा नै त्रै विकेटां लैतियां जिसले कि राधा यादव ते अरूंदिति रेङ्गी नै 2-2 विकेटां लैतियां। एहदे थ्वां पैहले बल्लेबाजी करदे होई भारत दी सलामी बल्लेबाज शैफाली वर्मा नै 81 रन बनाए। उनेंगी “प्लेयर ऑफ द मैच” घोषित कीता गेआ। ग्रुप-ए च भारत ते पाकिस्तान नै सेमीफाइनल च थाहर बनाई लैती दी ऐ।

<><><><><><>